

naučnog rada. - Zemaljski muzej za svoje publikacije redovno prima zamjenu od 370 ustanova u Jugoslaviji i 465 ustanova u inozemstvu. - Od cjelokupne stručne literature izrađuje se istovremeno i stručna i naučna bibliografija i predmetni katalog. Naročita pažnja posvećena je prošle godine reviziji i izradi stručne bibliografije za etnologiju i arheologiju. - Za bibliografske i druge informacije osim redovnih korisnika koji direktno koriste bibliografski katalog, u toku prošle godine pismeno se obratilo na biblioteku preko 270 naučnih radnika i ustanova iz inozemstva za stručne informacije. - Nije iznenađujući podatak da je u toku prošle godine u biblioteci Zemaljskog muzeja radilo 1.712 naučnih radnika i studenata koji su koristili oko 6.000 svezaka knjiga i časopisa iz biblioteke muzeja. - U toku prošle godine urodilo je dobrim rezultatom revizija časopisa i kompletiranje manjkajućih brojeva, naročito za stručne časopise posljednja tri decenija, koji su i najviše traženi i korišteni i za naučni rad najpotrebniji. - Intenzivno je nastavljena izrada bibliografije i predmetnog kataloga za sve struke i grane nauke koje se proučavaju u Zemaljskom muzeju.

U toku prošle godine posjetilo je muzej 62.846 posjetilaca (sa plaćenim ulaznicama). - Vrijedno je istaknuti pedagošku aktivnost. U toku godine održano je u muzeju ukupno 370 metodskih jedinica sa razrednim odjeljenjima škola sa 11.107 učenika. - Proučen je novi nastavni program osnovnih škola i unešene nove metode jedinice u spisak nastavnih tema koje se mogu obraditi u muzeju. - Održano je 408 tematskih predavanja muzejskih kustosa i pedagoga grupama posjetilaca i stručnim grupama (naročito stranim stručnim grupama na njemačkom, engleskom, francuskom, bugarskom jeziku i drugim). - Održan je seminar za učitelje sarajevskih škola kojim je prisustvovalo 320 učitelja. - Održan je seminar za nastavnike biologije u botaničkom vrtu Muzeja kojemu je prisustvovalo 42 nastavnika. - Održan je seminar kandidatima za turističke vodiče kojemu je prisustvovalo 50 slušača. -

Sve turističke ustanove i turistička mjesta u gradu primili su dovoljnu količinu propagandnog materijala (kolor prospekti, panoji i dr.). - Organizirana je stalne suradnja sa svim turističkim organizacijama i ustanovama u Sarajevu i drugim mjestima. - Propaganda za Muzej uspješno je realizirana suradnjom sa Radio i TV - Sarajevo.

## GALERIJA LIKOVNIH UMJETNOSTI - VINKOVCI

Rezimirajući godišnji izvještaj Galerije vrijedno je istaknuti izložbenu aktivnost koja nije ograničena samo na pasivno izlaganje djela pojedinih autora odnosno grupe autora. Izložba i njihova tematika je istovremeno i povod za kompletiranje dokumentacije koja je vezana za temu izložbe - dokumentacija o svakom autoru koji je izlagao u Galeriji ili na samostalnoj izložbi ili na skupnim izložbama.

Od jedanaest izložaba u toku 1973. godine vrijedno je posebno istaknuti individualne izložbe Ferde Kulmera, Vanje Kavurić, Vladimira Filakovca (posthumna izložba), Milana Konjovića.

Dokumentacija koja je povodom ovih izložaba sakupljena o autorima izlagačima je dragocjena građa za studij likovnog stvaranja u našoj suvremenoj likovnoj umjetnosti. - Uz izložbe vezana je i intenzivna pedagoška aktivnost. U toku 1973. godine na izložbama održano je od strane Galerije 58 predavanja, zatim znatan broj predavanja nastavnika likovnog odgoja i održanih nastavnih jedinica. Ova predavanja od snažnog su utjecaja na aktiviranje interesa za likovni život i na dizanje kulturnog nivoa regije.

U suradnji sa školama, Galerija je priredila didaktičku izložbu crteža i isto takovu izložbu grafike u raznim tehnikama.

U toku godine stalni postav Galerije je dva puta mijenjan. Bogati fundus u depou Galerije omogućava da se bez većih ulaganja i priprema mijenja i osvježava stalan postav i time povećava interes posjetilaca.

Svaka izložba Galerije popraćena je katalogom u kojima je biografija i bibliografija autora i ostali podaci vezani za rad i djelovanje autora kao likovnog radnika. Interes široke javnosti za kataloge izložaba opravdava napore Galerije za ovu publicističku djelatnost koja time za svaku izložbu ostavlja jedan trajan dokument koji istovremeno i produžuje trajanje utisaka i doživljaja koje posjetioци primaju na izložbama.

Sa izložbenom i pedagoškom djelatnosti vinkovačka Galerija, iako po broju kadra mala ustanova, ulazi u krug najaktivnijih galerija u SRH.

Fundus Galerije u toku prošle godine znatno je povećan otkupom, poklonima i raspodjelom iz fonda otkupljenog od Republičkog sekretarijata za kulturu.

Afirmacije Galerije u vinkovačkoj regiji potvrđuje činjenica da su za pokriće troškova aktivnosti Galerije, posebno za određene manifestacije i izložbe za koje Galerija nije imala pokrića, dodatna sredstva dali radni kolektivi vinkovačke regije i Osiguravajuće društvo u Vinkovcima. Za ovu informaciju nije potreban daljnji komentar. Kroz Galeriju je prošlo u toku prošle godine 7.563 posjetilaca, što je za ovaj grad vrlo visoki postotak posjeta. U sve prostorije Galerije uvedeno je prošle godine centralno grijanje.

#### ZAVOD ZA ZAŠTITU SPOMENIKA KULTURE - ZADAR

U suradnji sa katedrom za povijest umjetnosti zadarskog fakulteta već na početku ovogodišnjih istraživanja u katedrali sv. Stošije došli su do daljnjih vrijednih otkrića. Profesor dr Ivo P e t r i c i o l i otkrio je već u toku prošle godine kod istraživanja krstionica i sakristije ostatka starokršćanskog bazena, mozaike i ostatke starih zidova. U nastavku iskapanja i istraživanja otkriveni su mozaici starokršćanskog perioda od vanrednog značenja. Konzervacija ovih novo otkrivenih mozaika je u toku.